

MISSINGIUT

Siunnersuut

uunga

Kalaallit Nunaannut angallannermut inatsisip allanngortinneqarnissaanut inatsit

(Kalaallit Nunaanni misissuisarnermik aaqqissuussinermik pilersitsineq)

§ 1

Kalaallit Nunaannut angallannermut inatsimmi, tak. inatsimmut nalunaarut nr. 995, 26. oktober 2009-meersoq, tulluuttunik allannguisoqassaaq:

1. § 6, imm. 2, *oqaaseqatigiit 1.*-mi »qamut, qamutinit motorilinnit kalinneqartussatut aalajangiussaq« imatut allanngortinneqassaaq: »qamutit kalittakkat«, aamma »misissuineq« imatut allanngortinneqassaaq: »misissuineq«.

2. § 6, imm. 3, *oqaaseqatigiit 1.*-mi »misissuineq« imatut allanngortinneqassaaq: »misissuineq«.

3. § 6-ip kingorna ilanngunneqassaaq:

»§ 6 a. Færdselsstyrelsenip qamutit motorillit aamma qamutit kalittakkat misissornissaat siunertaralugu unitsissinnaavai, aammalu tassunga atatillugu taakku sumiiffimmut misissuiffissamut innersuullugit aammalu ingerlallugit. Tassungalu atatillugu Færdselsstyrelseni § 38, imm. 3 naapertorlugu usinik ilisaqarnikkut misissuisinnaavoq.

Imm. 2. Imm. 1 malillugu misissuineq naammassineqarsinnaanngippat, Færdselsstyrelsenip qaqugukkulluunniit piumasarisinnaavaa, qamutit imaluunniit qamutit kalittakkat misissuiffimmi taaneqartumi misissorneqassasut.

Imm. 3. Færdselsstyrelseni qamutit imaluunniit qamutit kalittakkanik uninngasunik misissuisinnaavoq, piginnittoq imaluunniit atuisoq tamatumunnga akuersippata. Piginnittoq imaluunniit atuisoq akuersissanngikkaluarpat, Færdselsstyrelsenip piumasarisinnaavaa, qamutit misissuiffimmi taaneqartumi misissorneqassasut.

Imm. 4. Qamutit imaluunniit qamutit kalittakkat imm. 1-3 naapertorlugit misissuinnermi akuerineqanngippata, atorineqarnissaat Færdselsstyrelsenip inerteqqutigisinnaavaa.

MISSINGIUT

Imm. 5. Imm. 1-3 malillugit misissuineq pillugu Transportministeri malittarisassanik erseqqinnerusunik aalajangersaasinnaavoq, Færdselsstyrelsenip imm. 1 malillugu qamutitut motoorilinnut aamma qamutitut kalittakkanut innersuussisinnanera aammalu ingerlatsisinnanera pillugit, tassunga ilaatillugit misissuiffinnik aamma qamutitut ilusiliineq aamma nalunaaqutsiineq.«

§ 2

Inatsit atuutilissaaq ulloq [1. januar 2027].

Inatsisissatut siunnersuummut oqaaseqaatit

Oqaaseqaatit nalinginnaasut

Imarisai	
1.	Aallaqqaasiut
2.	Inatsisissatut siunnersuutip immikkoortui pingaarnerit
2.1.	Qamutitut motoorilinnut aamma qamutitut kalittakkanik misissuineq
2.1.1.	Inatsit atuuttut
2.1.2.	Transportministeriap isummersuutai aamma aaqqissuussineq siunnersuutigineqartoq
3.	Pisortanut aningaasaqarnikkut kingunissai aamma atortuutilersitsinerup kingunissai
4.	Inuussutissarsiortunut il. il. aningaasaqarnikkut aamma allaffissornikkut kingunissai
5.	Innuttaasunut allaffissornikkut kingunissai
6.	Silap pissusaanut kingunissai
7.	Avatangiisinut aamma pinngortitamut kingunissai
8.	EU-mi inatsiseqarnermut tunngasut
9.	Oqartussaqaarfiit aamma kattuffiit il. il. tusarniaaffigineqartut
10.	Skema eqikkaasoq

1. Aallaqqaasiut

MISSINGIUT

Kalaallit Nunaat angallannermut inatsisitaappaarpoq 1966-imi, taamanikkut qamutit nalunaarsorneqarsimasut 1.200-t missaanniipput. Ullumikkut amerlassusaat 14.000-it angusimavaat. Angallannerup annertusiartornerata misissuisarnermik aqqissuussinermik pisariaqartitsilersitsivoq, qamutini teknikkikkut piumasaqaatit Kalaallit Nunaanni angallannermut inatsimmi aammalu inatsit taanna malillugu malittarisassani aalajangersarneqarsimasut naammassineqarsimanissaannut isumannaarisussamik.

Inatsisissatut siunnersuutikkut, danskit transportministeriata aammalu kalaallit Ineqarnermut Attaveqaasersuutitut, Isorliunerusunullu Naalakkersuisuata januar 2025-mi isumaqatigiissutaat pilersinneqarpoq, tassani aalajangiunneqarsimalluni Kalaallit Nunaanni aqquuserngit sinaanni misissuisarnissamik aqqissuussinermik pilersitsinissaq. Siunertaavoq Kalaallit Nunaanni pissutsini immikkuullarissuni qamutit teknikkikkut qanoq ittuunerannik misissorneqartarnissaasa isumannaarneqarnissaa. Isumaqatigiissut taanna Kalaallit Nunaanni qinersinerup kingorna maj 2025-mi naqissuseqqinneqarpoq.

Piffissani aalajangersimasuni misissuisarnermut Kalaallit Nunaanni atorneqanngitsumut aammalu allaffissornikkut oqimaatsumut sanilliullugu aqqissuussinerup allaanerussutigivaa, aqquuserngup sinaani eqaannerusumik aammalu naapertuunnerusumik misissuisinnaaneq, sumiiffimmi aqqissuussaannermut aammalu pisariaqartitsinermut naleqqunnerusumik.

Færdselsstyrelsen tassaavoq oqartussaarfik Danmarkimi misissuisarnermi malittarisassanik aqutsisuusoq. Taamaallilluni Færdselsstyrelseni Kalaallit Nunaanni qamutit qanoq innerinik misissuinissap isumannaarneqarnissaannut naleqquttunik piginnaasaqarpoq. Taamaattoq Kalaallit Nunaanni ullumikkut politiit kisimiillutik qamutiniq unitsitsisinnaapput, qamutit ajoquteqarnersut aammalu amigaaeqarnersut misissorneqarnissaannut.

Taamaattumik inatsisissatut siunnersuutip siunertaraa, Færdselsstyrelsenip Kalaallit Nunaanni aqquuserngup sinaani qamutiniq misissuisarnissaa pillugu malittarisassanik aalajangersaanissaq.

Aqqusinikkut angallannermut oqartussaaffik sulii Kalaallit Nunaannit tiguneqarsimanngimmat, suliaq naalagaaffeqatigiinnut suliasatut ingerlanneqarpoq.

Oqaaseqaatigineqarpoq, inatsisissatut siunnersuummut oqaaseqaatini angallannermut inatsimmut innersuussisoqaraangat, Kalaallit Nunaanni angallannermut inatsit pineqartarmat, alla taaneqarsimanngikkaangat.

2. Inatsisissatut siunnersuutip immikkoortui pingaarnerit

MISSINGIUT

2.1. Qamutitik motorilinnik aamma qamutitik kalittakkanik misissuineq

2.1.1. Inatsisit atuuttut

Angallannermut inatsimmi § 6, imm. 1-imi allaqqavoq, politiit qamutitik unitsitsisinnaasut aamma kukkuneqarnersut aammalu amigaateqarnersut misissorsinnaallugit kiisalu aquttoq inatsisit malillugit qamutitik ingerlatsisinnaanermut piumasaqaatinik naammassinnissimanersoq misissorsinnaallugu.

§ 6, imm. 2, oqaaseqatigiit 1.-mi, allaqqavoq, politiit qaqugukkulluunniit piumasarisinnaagaat, qamutit motoorillit imaluunniit qamutit, qamutitik motoorilinnit kalinneqarnissamut aalajangiussat, misissugassanngussasut, angallannermut inatsimmi piumasaqaatinik imaluunniit inatsit tunngavigalugu aalajangersakkanik naammassinninneri pillugit nalilersoneqarnissaat siunertaralugu.

§ 6, imm. 2-mi, oqaaseqatigiit 2.-ata kingunerivaa, taamaattunik qamutitik piffissami aalajangersimasumi misissuineq pillugu transportministeri aalajangersakkanik aalajangersaasinnaasoq.

Piginnaatitsineq tamanna Færdselsstyrelsenimiippoq, Færdselsstyrelsenip suliasai aamma piginnaatitaaffii aamma § 4 malillugu maalaaruteqarsinnaaneq pillugit nalunaarut nr. 787, 18. juni 2025-meersoq malillugu.

Færdselsstyrelsenip piginnaatitsineq tamanna, qamutitik motoorilinnik imaluunniit qamutitik, qamutitik motoorilinnit kalinneqarnissamut aalajangiussanik, piffissami aalajangersimasumi misissuineq pillugu aalajangersaanermut atorsimanngilaa.

§ 6, imm. 3 malillugu, politiit qamutitik atuinissaq inerteqqutaatissinnaavaat aammalu nummerpladii peersinnaallugit, imm. 1 imaluunniit 2 malillugit misissuinnermi piumasaqaatit atuuttut naammassineqarsimanngippata. Taamaaqataa atuuppoq, qamutit imm. 2 malillugu aggersaanerup kingorna misissugassanngortinneqanngippata.

Tassa politiit kisimiillutik, ullumikkut inatsisitigut tunngavissaqarput qamutitik unitsitsinissamut, Kalaallit Nunaanni qamutitik teknikkikkut misissuinissaq siunertaralugu.

§ 38, imm. 3-mi aamma allaqqavoq, usit imatut inissinneqassasut, inunnut uloriananngitsumik imaluunniit pigisanut ajoqusiinngitsumik. Imatut inissinneqarsimassapput, nikissinnaajunnaartillugit, nakkarsinnaajunnaartillugit imaluunniit pisariaqanngitsumik nipiliorsinnaajunaartillugit.

Angallannermut inatsimmi § 72, imm. 1-ip kingunerivaa, transportministerip Færdselsstyrelseni piginnaatissinnaagaa, Transportministeriap ataani aqutsisoqarfimmi allami pilersinneqarsimasumi imaluunniit suliffeqarfimmi assingusumi piginnaatitsissutitik atuutsitsinissamut, uani inatsimmi transportministerimut piginnaatitsissutigineqartunik.

MISSINGIUT

§ 72, imm. 2, malillugu transportministeri, imm. 1-imi piginnaatitsissut naapertorlugu aalajangiussinerit pillugit, maalaaruteqarsinnaaneq pillugu malittarisassanik aalajangersaasinnaavoq, tassunga ilaatillugu aalajangiussinerit transportministerimut suliaassanngortinneqarsinnaannginneri.

2.1.2. Transportministerip isummersuutai aamma aaqqissuussineq siunnersuutigineqartoq

Danskit transportministeriata aammalu Kalaallit Nunaata Ineqarnermut Attaveqaasersuutitut, Isorliunerusunullu Naalakkersuisuata januar 2025-mi isumaqatigiissuteqarput, Kalaallit Nunaanni misissuisarnermik aaqqissuussineq pilersinneqassasoq, qamutit teknikkikkut qanoq innerannik misissorneqartarnissaat siunertaralugu. Tamanna aqquuserngup sinaani misissuisarnikkut pisassaaq, Færdselsstyrelsenimit isumagineqartartussaq. Isumaqatigiissutaavoq, misissuinerup inernera uppersarnerneqartassasoq akuersissutinik meqqiliisarnikkut aaqqissuussinikkut, ersersitsisunik qamutit misissuinikkut akuerineqarsimanerinnik. Aaqqissuussineq eqaatsoq isumannaarniarlugu, Færdselsstyrelseni tamatuma saniatigut qamutinnik uninngasunik misissuisinnaanermik periarfissaqartinneqassaaq.

Tamanna tunuliaqutaralugu § 6 a, imm. 3-mi aalajangersakkamik nutaamik ilanngussinissaq, taamaalilluni Færdselsstyrelseni inatsisitigut tunngavissaqalissalluni qamutinnik aamma qamutinnik kalittakkanik unitsitsinissamut aammalu aqquuserngup sinaani misissuinissamut aammalu tamatumunnga atatillugu qamutinnik misissuiffissamut innersuussinissamut aammalu ingerlatsinissamut. Aammattaaq siunnersuutigineqarpoq, Færdselsstyrelseni tamatumunnga atatillugu usinik inissiisimaneq pillugu misissuisinnaanissaa § 38, imm. 3 naapertorlugu.

Aalajangersakkap nutaap siunertarissavaa Færdselsstyrelsenip piginnaatitaanermik pisariaqartitamik tunissallugu qamutit aqquuserngup sinaani teknikkikkut qanoq ittuunerannik misissorsinnaanissaannut. Tamatuma isumannaassavaa, Færdselsstyrelsenip misissuinnermik sunniuteqarluartunik naammassinnissinnaanera, qamutit teknikkikkut qanoq issusaanut tunngatillugu malittarisassanik atuuttunik eqquutsitsinnermut tapertaasumik.

Aqquuserngup sinaani misissuinerup naammassineqarsinnaannginnerannik pisoqarsinnaavoq, aammalu tassani paasineqarluni, misissuinerup naammassineqarnissaa naapertuuttuunani. Assersuutigalugu pisoq, qamutit sullissaqartoq ataatsimik imaluunniit arlalinnik, isumaqatigiissuteqarsimaneq naapertorlugu pisussaaffimminik naammassinnissinnaajunnaassasoq imaluunniit umiarsuarmut ikaartaammut inortuissasoq, qamutit aqquuserngup sinaani misissorneqassappata. Taamaattumillu pisariaqartinneqassalluni Færdselsstyrelsenip misissuisartuisa misissuineri ajornanngitsumik aammalu naleqquttorsiorsumik ingerlanneqarsinnaanerisa isumannaarneqarnissaat.

MISSINGIUT

Taamaattumik imm. 2-mi siunnersuutigineqrpoq, imm. 1 malillugu misissuineq naammassineqarsinnaanngippat, Færdselsstyrelseni qaqugukkulluunniit piumasarisinnaavaa qamutit imaluunniit qamutit kalittakkat misissuiffissatut taaneqartumi misissugassanngortinneqarnissaat. Isumannaarneqassaaq, misissuinerit sunniuteqarluartuunissaat aammalu qamutit teknikkikkut qanoq issusaasa illersorneqarsinnaasuunissaannik siunertap naammassineqarnissaa.

Aqquuserngup sinaani misissuisarnermik aaqqissuussinerup Færdselsstyrelsenip misissuisartuisa Kalaallit Nunaanni aqquuserngup sinaani qamutiniq sunniuteqarluartumik misissuinissaq pillugu angalanissaannut periarfississavai. Taamaattumik danskit transportministeriata aammalu Kalaallit Nunaata Ineqarnermut Attaveqaasersuutitut, Isorliunerusunullu Naalakkersuisuata akornanni isumaqatigiissutigineqarpoq, Færdselsstyrelsenimut aamma periarfissaassasoq qamutiniq uninngasunik misissuisinnaaneq.

Taamaattumik siunnersuutigineqarpoq, § 6 a, imm. 3-mi, aalajangersakkamik ilanngussinissaq, tamatuma kingorna Færdselsstyrelseni qamutiniq motoorilinnik aamma qamutiniq kalittakkanik uninngasunik misissuisinnaanngussaaq, piginnittoq imaluunniit atuisoq tamatumunnga akuersippat. Piginnittoq imaluunniit atuisoq akuersinngippat, Færdselsstyrelsenip piumasarisinnaavaa, qamutit misissuiffissami taaneqartumi misissugassanngortinneqarnissaat.

Inatsisissatut siunnersuummi § 1, nr. 3-mut oqaaseqaatinut immikkut ittunut innersuussisoqarpoq.

Imm. 1-3-mi aalajangersakkat siunnersuutigineqartut malillugit misissuinerimut atatillugu pisoqarsinnaavoq, qamutit imaluunniit qamutit kalittakkat annertuunik kukkuneqartutut aammalu amigaateqartutut nalilerneqarlutik, isumannaatsumik angallannerimut ulorianaataasunik aammalu taamaalillutik aqqusinerni atorneqartussaanaatik.

Taamaattumik siunnersuutigineqarpoq, § 6 a, imm. 4, ilanngunneqassasoq, tamatuma kingorna, imm. 1-3 malillugit misissuinerimut qamutit imaluunniit qamutit kalittakkat misissuinerup kingorna akuerineqanngippata, Færdselsstyrelsenip atornissaat inerteqqutigisinnaagaa.

Aalajangersakkatigut siunnersuutigineqartukkut siunertarineqarpoq isumannaassallugu, Færdselsstyrelsenip inerteqqutigisinnaagaa, qamutit imaluunniit qamutit kalittakkat aqqusinikkut atornissaat, kukkunerit imaluunniit amigaatit paasineqartut iluarseqqaartinnagit, misissorneqarnermikkut annertuunik kukkuneqartutut imaluunniit amigaateqartutut paasisaqarfiusut, isumannaatsumik angallannerimut ulorianaateqartunik.

Aalajangersimasumik nalilersorneqartuassaaq, kukkunerit imaluunniit amigaatit paasineqartut qanoq annertutiginersut, qamutit imaluunniit qamutit kalittakkat atorneqarnissaannut inerteqquteqarnermik atuutilersitsisinnaaneq eqqarsaatigalugu.

MISSINGIUT

Kiisalu § 6 a, imm. 5-ikkut siunnersuutigineqarpoq, transportministerip imm. 1-3 malillugit misissuineq pillugu malittarisassanik erseqqinnerusunik aalajangersaasinnaanera, tassunga ilaatillugu qamutiniq aamma misissuiffinnik ilusilersuineq aamma nalunaaqutsiineq pillugu imm. 1 malillugu qamutiniq motoorilinnik imaluunniit qamutiniq kalittakkanik innersuussineq aamma ingerlatsineq.

Piginnaatitsissut Færdselsstyrelsenimut tunniunneqassaaq. Aalajangersakkatigut siunnersuutigineqartukut Færdselsstyrelseni nalunaarummi periarfissaqalissaaq, aqquuserngup sinaani misissuinerup qanoq naammassineqarnissaa, aammalu qamutiniq motoorilinnik aamma qamutiniq kalittakkanik innersuussinissamut aamma ingerlatsinissamut aqutsiveqarfiup qanoq piginnaatitsissut atuutsissinnaaneraa pillugu sinaakkutiniq erseqqinnerusunik aalajangersaanissamut.

Inatsisissatut siunnersuummi § 1, nr. 3-mut oqaaseqaatinut immikkut ittunut innersuussisoqarpoq.

3. Pisortanut aningaasaqarnikkut kingunissai aamma atortuutilersitsinerup kingunissai

Naatsorsuutigineqarpoq inatsisissatut siunnersuut danskit naalagaaffiannut aningaasaqarnikkut kinguneqassasoq, Kalaallit Nunaannut misissuisarnermik aaqquissuussinermik pilersitsinerup ataatillugu, Danmarkimit isumagineqartussamik. Tamanna Færdselsstyrelsenimut isumalluutitigut pisariaqartitsinermik annertunerusumik malitseqassaaq, suliaassat nutaat kingunerisaannik, misissuisarnermik aaqquissuussinerup pilersinneqarneranut aammalu ingerlanneqarneranut ataatillugu ingerlanneqartussanik.

Færdselsstyrelsenip isumalluutitigut pisariaqartitsinera suliaassanik tunngaveqarpoq, makkununga attuumassutilinnik:

- Qamutiniq aamma atortunik misissuisarnermik aaqquissuussinermi atorineqartussanik pisineq.
- Sulisunut garage-nik aamma allaffeqarfinnik attartorneq.
- Kalaallit Nunaanni innuttaasunut aamma inuussutissarsiortunut paasititsiniaanernik naammassinninneq.
- Sulisut angalanerinit, assartuinerinit, unnuinerinit aamma nerisaqarnerinit aningaasartuutit.
- IT-systeminit imaluunniit allamut digitali-nngortitsinermut Færdselsstyrelsenimut aningaasartuutit annikinnerusut.

Færdselsstyrelsenip missingiutigaa, ukiumi siullermi isumalluutiniq pisariaqartitsineq ukiuni pingasuni sulinerit naleqassasoq, Kalaallit Nunaanni ukiuni marlunni sulinerup atorfinitsitsisoqartussaassammat, aammalu Færdselsstyrelseni misissuisartumik Kalaallit Nunaannukartitsisussaassammat sumiiffimmi

MISSINGIUT

atorfilittanik ilinniartitsisussamik. Ukiup aappaaniit aallartittumik isumalluutininik atuineq ukiuni marlunni sulinerimik naleqassaaq. Ukiuni sulinerit taakku pisariaqartinneqassapput misissuisarnermik aaqquissuussinerup sunniuteqarluartumik atuutilersinneqarnissaa aammalu ingerlanneqarnissaa isumannaarniarlugit.

Naatsorsuutigineqarpoq inatsisissatut siunnersuut atortuulersitsinerimut tunngatillugu kinguneqassasoq, inatsisissatut siunnersuutip piumasaqaatigimmagu Kalaallit Nunaanni misissuisarnermik aaqquissuussinerimik nutaamik pilersitsinissaaq aammalu ingerlatsilernissaaq, tassunga ilaatillugit ikaarsaariarnermi aaqquissuussinerit aammalu aaqqiinerugallartut, aaqquissuussinerup tamakkiisumik atortuulersinneqarnissaata tungaanut. Tamatuma aamma malitsigissavaa Kalaallit Nunaanni innuttaasunut aamma inuussutissarsiortunut paasititsiniaanermik ingerlatsineq. Kalaallit Nunaanni misissuisarnermik aaqquissuussinerimik pilersitsinerimut atatillugu Færdselsstyrelsenimut qaavatigut aningaasartuuteqarneruneeq matussuserneqassaaq aningaasanut inatsimmi kontomik nutaamik pilersitsinikkut (§ 28.22.01.11). Qaavatigut aningaasartuutit missingiunneqarput 6,8 mio. kr. missaanniissasut ukiumi siullermi ingerlatsiviusumi, akissarsianut aamma sulisussarsiornerimut, qamutininik aamma atortuninik pisiniarnerimut, attartornerimut kiisalu paasititsiniaanernut il. il. Ukiup aappaata aallartinneraniit ukiumut aningaasartuutissatut ataavartutut missingiunneqarput 4,3 mio. kr. missaanniissasut. Aningaasartuutit taakku ilaatigut ingerlaavartumik ingerlatsineq matussusissavaat, tassunga ilaatillugit sulisoqarnerimut aningaasartuutit, qamutininik aamma atortuninik aserfallatsaaliinerimut, attartornerimut kiisalu angalanermut aamma assartuinerimut aningaasartuutit. Aningaasartuutissatut missingiutit eqqortuunnginnissaannut margin 20 pct.-inut inissinneqarpoq, ilaatigut missingiutit eqqortuunngeratarsinnaaneri tungavigalugit aammalu aningaasartuutaanerusussatut naatsorsuutigineqarsimanngitsut tunngavigalugit, Kalaallit Nunaanni misissuisarnermik aaqquissuussinerimik pilersitsinerimut atatillugu.

Naatsorsuutigineqarpoq inatsisissatut siunnersuut politiit suliarinngitsuugaasa ikinnerulernissaannik malitseqassasoq qamutininik piginnittunut imaluunniit atuisunut, inerteqquteqaraluartoq qamutininik atuisimasinnaasunut § 6 a, imm. 4-mi siunnersuutigineqartoq malillugu, tak. angallannerimut inatsimmi § 56, inatsisinik atuutsitsinerup kingunerisaanik. Taamaattoq tamatumunnga suliassamut atatillugu aningaasartuutaanerusinnaasut politiit aningaasaqarnikkut sinaakkutaasa pioreersut iluini naammassineqarsinnaaneri naatsorsuutigineqartariaqarpoq. Allannguutit siunnersuutigineqartut kommunit aningaasaqarnerinut, Det udvidede Totalbalanceprincip-imut ilaatinneqartut, kinguneqartitsissanngitsut nalilerneqarpoq.

MISSINGIUT

4. Inuussutissarsiortunut il. il. aningaasaqarnikkut aamma allaffissornikkut kingunissai

Inatsisissatut siunnersuut inuussutissarsiortunut aningaasaqarnikkut kinguneqarnissaa naatsorsuutigineqanngilaq, aaqqissuussineq akiliuteqartitsisarnikkut aningaasalersorneqartussaangimmat. Aaqqissuussineq siunnersuutigineqartoq aningaasaqarnikkut naammassinngitsuukkanik kinguneqarsinnaassasoq naatsorsuutigineqarpoq, qamutit aserfallatsaalineqarnerinut aningaasartuutaanerusinnaasunik, misissuinerup kingorna teknikkikkut aamma isumannaallisaanikkut piumasagaatinik naammassininnissaat isumannaarniarlugu.

5. Innuttaasunut allaffissornikkut kingunissai

Inatsisissatut siunnersuut innuttaasunut toqqaannartunik allaffissornikkut kinguneqassanngilaq.

6. Silap pissusaanut kingunissai

Nalilerneqarpoq, inatsisissatut siunnersuut silap pissusianut annikitsumik pitsaasumik kinguneqartitsissasoq, naatsorsuutigineqarmat Kalaallit Nunaannut misissuisarnermik aaqqissuussineq, qamutit qanoq ittuunerisa pitsaanerulernerinut tapertaanissaa, annikinnerusumik mingutsitsinermik kinguneqartoq.

7. Avatangiisinut aamma pinngortitamut kingunissai

Imm. 6. silap pissusaanut kingunissat ataani naliliineq takuuk.

8. EU-mi inatsiseqarnermut tunngasut

Inatsisissatut siunnersuut EU-mi inatsiseqarnermut tunngasunik imaqanngilaq.

9. Oqartussa qarfiit aamma kattuffiit il. il. tusarniaaffigineqartut

Inatsisissatut siunnersuummut missingiut piffissami ... (... ullut) oqartussa qarfinnut aamma kattuffinnut il. il. tulluuttunut tusarniutigalugu nassiunneqarpoq:

...

MISSINGIUT

10. Skema eqikkaasoq

	Kingunissai pitsaasut/aningaasartuutit annikinnerusut (aappiuppat, annertussuseq taallugu/naamiuppat, »Soqanngilaq« allallugu)	Kingunissai pitsaanngitsut/aningaasartuutit annertunerusut (aappiuppat, annertussuseq taallugu/naamiuppat, »Soqanngilaq« allallugu)
Naalagaaffimmut, kommuninut aamma nunap immikkoortuinut aningaasaqarnikkut kingunissai	Soqanngilaq	Kalaallit Nunaanni misissuisarnermik aaqqissuussinermik nutaamik pilersitsinermut aamma ingerlatsinermut atatillugu Færdselsstyrelsenimut qaavatigut aningaasartuutissat. Aningaasartuutissat missingiunneqarput katillugit 6,8 mio. kr. missaanniissasut ukiumi siullermi, tamatumalu kingorna ukiumut 4,3 mio. kr. missaanniissallutik.
Naalagaaffimmut, kommuninut aamma nunap immikkoortuinut atortuulersitsinerup kingunissai	Soqanngilaq	Aap, ukiumi siullermi isumalluutini pisariaqartitsineq ataatsimut isigalugu ukiumut sulinernik pingasunik naleqassaaq, Kalaallit Nunaanni ukiumut sulinernut marlunnut atorfinititsisoqartussaammat, Færdselsstyrelsenilu misissuisartumik Kalaallit Nunaannut suliaortitsissalluni

MISSINGIUT

		tassani najukkani atorfilinnut ilinniartitsisussamik. Ukiup aappaata allartinneraniit Kalaallit Nunaanni isumalluutini atuneq ukiumut sulini marlunnik naleqassaaq.
Inuussutissarsiortunut il. il. aningaasaqarnikkut kingunissai	Soqanngilaq	Aaqqissuussineq siunnersuutigineqartoq aningaasaqarnikkut naammassinngitsuukkanik kinguneqarsinnaassasoq naatsorsuutigineqarpoq, qamutit aserfallatsaalineqarnerinut aningaasartuutaanerusinnaasunik, misissuinerup kingorna teknikkikkut aamma isumannaallisaanikkut piumasaqaatinik naammassininnissaat isumannaarniarlugu.
Inuussutissarsiortunut il. il. allaffissornikkut kingunissai	Soqanngilaq	Soqanngilaq
Innuttaasunut allaffissornikkut kingunissai	Soqanngilaq	Soqanngilaq
Silap pissusaanut kingunissai	Nalilerneqarpoq, inatsissatut siunnersuut silap pissusianut annikitsumik pitsaasumik kinguneqartitsissasoq, naatsorsuutigineqarmat Kalaallit Nunaannut misissuisarnermik	Soqanngilaq

MISSINGIUT

	aaqqissuussineq, qamutit qanoq ittuunerisa pitsaanerulernerinut tapertaanissaa, annikinnerusumik mingutsitsinermik kinguneqartoq.	
Avatangiisinut aamma pinngortitamut kingunissai	Nalilerneqarpoq, inatsisissatut siunnersuut silap pissusianut annikitsumik pitsaasumik kinguneqartitsissasoq, naatsorsuutigineqarmat Kalaallit Nunaannut misissuisarnermik aaqqissuussineq, qamutit qanoq ittuunerisa pitsaanerulernerinut tapertaanissaa, annikinnerusumik mingutsitsinermik kinguneqartoq.	Soqanngilaq
EU-mi inatsiseqarnermut tunngasut	Inatsisissatut siunnersuut EU-mi inatsiseqarnermut tunngasunik imaqanngilaq.	
EU-mi inuussutissarsiornermut inatsisinik atortuulersitsinermut tunngavinnut tallimanut naapertuutinngilaq (attuumassuteqarfiini aamma EU- mi inatsisinik inuussutissarsiornermut tunngasuunngitsunik atortuulersitsinermut atuuttoq) (X-ileruk)	Naamik	Naamik

MISSINGIUT

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Angallannermut inatsimmi § 6, imm. 2, oqaaseqatigiit 1.-p kingunerivaa, politiit qaqugukkulluunniit piumasarisinnaagaat, qamutit motorillit imaluunniit qamutit, qamutitik motorilinnit kalinneqarnissamut aalajangiussat, misissugassanngussasut, angallannermut inatsimmi piumasaqaatinik imaluunniit inatsit tunngavigalugu aalajangersakkanik naammassinninneri pillugit nalilersorneqarnissaat siunertaralugu.

Imm. 2, oqaaseqatigiit 1.-mi siunnersuutigineqarpoq »qamut, qamutitik motorilinnit kalinneqartussatut aalajangiussaq« imatut allanngortinneqassasoq: »qamutit kalittakkat«, aamma »misissuineq« imatut allanngortinneqassasoq: »misissuineq«.

Aalajangersakkatut siunnersuutigineqartoq aalajangersakkami oqaatsitigut nutarsaanermik kinguneqassaaq aammalu imarisatigut kinguneqassanani.

Nr. 2-mut

MISSINGIUT

Angallannermut inatsimmi § 6, imm. 3, oqaaseqatigiit 1.-p kingunerivaa, politiit qamutini atuinissaq inerteqqutaatissinnaagaat aammalu nummerpladit peersinnaallugit, imm. 1 imaluunniit 2 malillugit misissuinermi piumasaqaatit atuuttut naammassineqarsimanngippata.

Imm. 3, oqaaseqatigiit 1.-mi siunnersuutigineqarpoq »misissueqqinneq« imatut allanngortinneqassasoq: »misissuineq«.

Aalajangersakkatut siunnersuutigineqartoq aalajangersakkami oqaatsitigut nutarsaanermik kinguneqassaaq aammalu imarisatigut kinguneqassanani.

Nr. 3-mut

Angallannermut inatsimmi § 6, imm. 1-ip kingunerivaa, politiit qamutini unitsitsinissamut aamma qamutit kukkuneqarnersut aammalu amigaateqarnersut misissornissaannut inatsisitigut tunngaveqarnerat.

Transportministeri ullumikkut angallannermut inatsimmi § 6, imm. 2, oqaaseqatigiit 2.-mi inatsisitigut tunngaveqarpoq, piffissani alajangersimasuni qamutini motoorilinnik imaluunniit qamutini qamutinit motoorilinnik kalinneqarnissamut aalajangikkanik misissuisarneq pillugu aalajangersakkanik aalajangersaanissamut. Tamanna piginnaatitsissut Færdselsstyrelsenip suliaasai aamma piginnaatitaaffii kiisalu maalaaruteqarsinnaaneq pillugu nalunaarummi § 4 malillugu Færdselsstyrelsenimut tunniunneqarpoq.

Færdselsstyrelsenip piffissani aalajangersimasuni qamutini motoorilinnik imaluunniit qamutini qamutinit motoorilinnik kalinneqarnissamut aalajangikkanik misissuisarneq pillugu aalajangersakkanik aalajangersaanissamut piginnaatitsissut atorsimanngilaa.

§ 6 a, imm. 1-imi aalajangersakkami nutaami siunnersuutigineqarpoq, Færdselsstyrelseni qamutini motoorilinnik imaluunniit qamutini qamutinit motoorilinnik kalinneqarnissamut aalajangikkanik unitsitsinnaanerit misissornissaat siunertaralugu aamma tamatumunnga atatillugu sumiiffimmut misissuiffissamut innersuussisinnaanerit aammalu ingerlatsisinnaanerit.

Færdselsstyrelsenip tamatumunnga atatillugu usinik inissiineq misissorsinnaavaa § 38, imm. 3 naapertorlugu.

Aalajangersakkatigut siunnersuutigineqartukut Færdselsstyrelseni nalunaaruteqaqqaarani qamutini teknikkikkut misissuinissamut inatsisitigut tunngaveqalissaaq, tassani qamutit teknikkikkut qanoq issusaat misissorneqassalluni. Misissuineq Kalaallit Nunaanni qamutit aaqquissuusaaneri aamma atortui pillugit

MISSINGIUT

nalunaarummi nr. 141, 27. marts 1979-imeersumi malittarisassat kingornalu allannguutaat malillugit ingerlanneqassaaq.

Aaqqissuussinikkut siunnersuutigineqartukut Færdselsstyrelseni taamaallaat inatsisitigut tunngaveqalissaaq qamutitik unitsitsinissamut aqquuserngup sinaani misissuinissaq siunertaralugu kiisalu sumiiffimmut misissuiffissamut innersuussinissamut aammalu ingerlatsinissamut. Taamaattoq aquttup innersuussutigineqartoq malinnianngippagu, Færdselsstyrelseni qamutit malersornissaannut imaluunniit misissuinissap pinngitsaaliissutiginiisaanut piginnaatitaassanngilaq soorlu politiit taamaaliorsinnaasut § 6, imm. 1 atuuttoq malillugu.

Danskit aqquuserngup sinaani misissuisarnermik aaqqissuussaannit, ilaatigut qamutitik usissutitik aamma bussinik misissuinermik ilaqartartumit, misilittakkat takutippaat, aquttut amerlanerpaartaat kajumillutik misissuinermut peqataasarnerat.

Aammattaaq misissuinerup ilagissavaa, usit assartorneqartut imatut inissinneqarsimanersut aammalu aalajangerneqarsimanersut, sisutissinnaajunnaarlugit, nakkartissinnaajunnaarlugit imaluunniit pisariaqanngitsumik nipiliortissinnaajunnaarlugit inissinneqarsimaneritik, taamaallutillu aquttumut aamma angallattunut allanut ulorianaateqarsinnaaneritik imaluunniit pigisanut ajoqusiisinnaaneritik nalilersuineq.

Misissuinerup kingorna akuerineqarnermi qamutit akuerisaanerup meqqianik tunineqassapput.

Akuerisaanermi meqqiliisarnermik aaqqissuussinerup erseqqinnerusumik qimerloornissaanut inatsisissatut siunnersuummi § 1, nr. 3-mut oqaaseqaatit, aammalu siunnersuutigineqartoq § 6 a, imm. 5, innersuussutigineqarput.

Qamutit misissuinermi akuerineqanngippata, Færdselsstyrelsenip nalilersuilluareernermigut, siunnersuutigineqartoq § 6 a, imm. 4 malillugu, qamutit ingerlanneqarnissaanut inerteqquteqarneq inassutigisinnaavaa.

Inerteqquteqarnermik unioqqutitsinerup kingunerisassai erseqqinnerusut pineqartillugit, inatsisissatut siunnersuummi § 1, nr. 3, aammalu siunnersuutigineqartoq § 6 a, imm. 4 innersuussutigineqarput.

Imm. 2-mi siunnersuutigineqarpoq, imm. 1 malillugu misissuineq naammassineqarsinnaanngippat, Færdselsstyrelsenip qaqugukkulluunniit qamutit imaluunniit qamutit kalittakkat misissuiffissami taaneqartumi misissugassanngortinneqarnissaat piumasarisinnaavaa.

Pisoqarsinnaassaaq, aqquuserngup sinaani misissuinissaq naapertuuttuunani imaluunniit naammassineqarsinnaanani. Aalajangersakkap Færdselsstyrelseni inatsisitigut tunngavimmik tunissavaa,

MISSINGIUT

qamutitik misissugassanngortitsinissamut pissutsini atoruminartuni aammalu teknikkikkut illersorneqarsinnaasuni.

Aalajangersakkatut siunnersuutigineqartoq atorlugu Færdselsstyrelsenip qamutitik piginnittoq imaluunniit aquttoq isumaqatigiissuteqarfigisinnaassavaa, qaqugu misissuineq nutaaq naammassineqassanersoq. Sumiiffimmi misissuinissaq nutaaq isumaqatigiissutigineqarsinnaanngippat, Færdselsstyrelsenip piumasarisinnaassavaa piffissami kingusinnerusumi qamutit misissugassanngortinneqarnissaat.

Aalajangersagaq aamma atuussinnaassaaq pisuni, Færdselsstyrelsenip aqquerngup sinaani qamutitik misissuinissamik innersuussinerani, kisiannili paasineqarluni, misissuinissap naammassineqarnissaa naapertuutitsoq. Assersuutigalugu tamanna pilersinnaassaaq, sullinneqartup ataatsip imaluunniit arlallit qamutitik ingerlanneqarnerini, isumaqatigiisummi pisussaaffimmik sumiginnaasoqassasoq imaluunniit umiarsuarmut ikaartaammut ilaanissamut inortuisoqassasoq, qamutit aqquerngup sinaani misissorneqassappata.

Aalajangersagaq aamma atuussinnaassaaq pisumi, silarlunna pissutigalugu misissuineq, assersuutigalugu sannavimmi qanittumiittumi naammassineqartussanngorluni.

Aammattaaq pisoqarsinnaassaaq, qamutit qanoq ittuunerisa peqqissaarnerusumik misissoreqarnissaat pisariaqalersoq, taamaattumillu misissuinissaq aqquerngup sinaani naammassineqarsinnaanngitsutut nalilerneqarluni.

Aalajangersagaq aamma atuussinnaassaaq pisumi, sumiiffimmi aamma piffissami taaneqartuni misissuinerup tamakkerlugu ingerlanneqarnissaa pisariaqalerluni, nunap sannaa aamma atugassarititaasut pissutigalugit.

Misissuinermi qamutit akuerineqarpata, qamutit akuerisaanerup meqqianik ikkussiffigineqassapput.

Akuerisaanermi meqqiliisarnermik aaqqissuussinerup erseqqinnerusumik qimerloorneqarnissaanut inatsisissatut siunnersuummi § 1, nr. 3, aammalu siunnersuutigineqartoq § 6 a, imm. 5 innersuussutigineqarput.

Qamutit misissuinermi akuerineqanngippata, Færdselsstyrelsenip nalilersuilluareernermigut, siunnersuutigineqartoq § 6 a, imm. 4 malillugu, qamutit ingerlanneqarnissaanut inerteqquteqarneq inassutigisinnaavaa.

Inerteqquteqarnermut unioqqutitsinerup kingunerisassai erseqqinnerusut pineqartillugit, inatsisissatut siunnersuummi § 1, nr. 3, aammalu siunnersuutigineqartoq § 6 a, imm. 4 innersuussutigineqarput.

MISSINGIUT

Imm. 3-mi siunnersuutigineqarpoq, Færdselsstyrelseni qamutiniq motoorilinnik imaluunniit qamutiniq kalittakkanik uninngasunik misissuisinnaasoq, piginnittoq imaluunniit atuisoq tamatumunnga akuersippat. Pisumi, pisisoq imaluunniit atuisoq akuersinngippata, Færdselsstyrelsenip qaqugukkulluunniit qamutit imaluunniit qamutit kalittakkat misissuiffissami taaneqartumi misissugassanngortinneqarnissaat piumasarisinnaavaa.

Aaqqissuussatigut siunertaavoq, Færdselsstyrelsenip misissuisartui Kalaallit Nunaanni qamutiniq misissuillutik angalanissaat. Aammattaaq aaqqissuussineq imatut eqaatsigissaaq aamma sunniuteqarluartigissaaq qamutit sapinngisamik amerlanersaasa misissorneqarnissaat isumannaassallugu.

Taamaattumik pisoqartassaaq, misissuisartut aqquserngup sinaani naapitarinngisaannik qamutiniq misissuinissaq pisariaqartinneqarluni.

Aalajangersakkami siunnersuutigineqartumi oqaaseqatigiit 1.-p kingunerissavaa, Færdselsstyrelsenip kisimiilluni qamutiniq uninngasunik misissuisinnaanera, tamatumunnga akuersaartoqarpat. Imatut pisoqartassaaq, piginnittoq imaluunniit inuk taanna, qamutiniq atuisoq, misissuinerup naammassineqarnissaanut oqaasiinnakkut akuersisoq.

Misissuineq assersuutigalugu qamutit unittarfiini ingerlanneqarsinnaavoq, pisiniarfiit eqqaanni imaluunniit atuarfiit imaluunniit ilinniarsiit eqqaanni, qamutit akulikitsumik uninngaffigisartagaanni, aamma misissuinerup oqitsumik aammalu sunniuteqarluartumik naammassineqarfigisinnaasaanni.

Aamma naatsorsuutigineqarpoq aaqqissuussineq najugaqarfinni atorineqartassasoq, illut aamma inissiat isaariaasa saavanni qamutit uninngasarfiini. Tamatumunnga atatillugu Færdselsstyrelsenip misissuisartui toqqaannartumik innuttaasunut inaata saavini imaluunniit matuata saavini saaffignissinnaassapput aperiniarlutik, qamuteqarnersut akuersineritigut misissorneqarsinnaasunik.

Qamutit nalunaarutigineqarnikut taamaallaat misissorneqarsinnaassapput. Politiit tassaapput, Kalaallit Nunaanni qamutiniq nalunaarutiginnittarneq pillugu malittarisassanik atuutsitsisut. Pisumi, Færdselsstyrelseni qamutit nalunaarsorneqarsimaneri pillugit nalornitillugu, Kalaallit Nunaanni politiit tamatumunnga paasissutissanik pissarsiffigineqassapput.

Assersuutigalugu pisinnaavoq, tamat unittarfianni qamutit uninngasut, nummerpladii peerneqarsimallutik.

Aalajangersakkami siunnersuutigineqartumi oqaaseqatigiit 2.-ta kingunerissavaa, Færdselsstyrelsenip piumasarisinnaagaa, misissuiffissami taaneqartumi qamutit misissugassanngortinneqarnissaat, piginnittoq imaluunniit atuisoq oqaaseqatigiit 1. malillugu akuersinngippat.

Misissuinermi qamutit akuerineqarpata, qamutit akuerisaanerup meqqianik ikkussiffigineqassapput.

MISSINGIUT

Akuerisaanermi meqqiliisarnermik aaqqissuussinerup erseqqinnerusumik qimerloorneqarnissaanut inatsisissatut siunnersuummi § 1, nr. 3, aammalu siunnersuutigineqartoq § 6 a, imm. 5 innersuussutigineqarput.

Qamutit misissuinermi akuerineqanngippata, Færdselsstyrelsenip nalilersuilluareernermigut, siunnersuutigineqartoq § 6 a, imm. 4 malillugu, qamutit ingerlanneqarnissaanut inerteqquteqarneq inassutigisinnaavaa.

Inerteqquteqarnermut unioqqutitsinerup kingunerisassai erseqqinnerusut pineqartillugit, inatsisissatut siunnersuummi § 1, nr. 3, aammalu siunnersuutigineqartoq § 6 a, imm. 4 innersuussutigineqarput.

Imm. 4-mi siunnersuutigineqarpoq, imm. 1-3 malillugit misissuinermi qamutit imaluunniit qamutit kalittakkat akuerineqanngippata, Færdselsstyrelsenip atorneqarnissaat inerteqqutigisinnaavaa.

Aalajangersakkatigut siunnersuutigineqartukut siunertarineqarpoq isumannaassallugu, Færdselsstyrelsenip inerteqqutigisinnaagaa, qamutit imaluunniit qamutit kalittakkat aqqusinikkut atornissaat, kukkunerit imaluunniit amigaatit paasineqartut iluarseqqaartinnagit, misissorneqarnermikkut annertuunik kukkuneqartutut imaluunniit amigaateqartutut paasisaqarfiusut, isumannaatsumik angallannermut ulorianaateqartunik.

Aalajangersimasumik nalilersorneqartuassaaq, kukkunerit imaluunniit amigaatit paasineqartut qanoq annertutiginersut, qamutit imaluunniit qamutit kalittakkat atorneqarnissaannut inerteqquteqarnermik atuutilersitsisinnaaneq eqqarsaatigalugu.

Assersuutigalugu aalajangersagaq atorneqarsinnaassaaq pisuni, qamutit imaluunniit qamutit atortui kukkuneqarneri aamma amigaateqarneri pissutigalugit akuerineqarsinnaanatik, soorlu assakaasut imaluunniit aquutit ikkusimanerini annertuumik qasunganeqarmata, assakaasut nungullarsimammata, bremsit imaluunniit bremsit unittaatit ajormata kiisalu qamutit annertuunik aammalu ulorianartunik kukkuneqarmata.

Inerteqquteqarnerup aallaavittut kingunerissavaa, qamutit imaluunniit qamutit kalittakkat taamaallaat iluarsaassisarfirmut qaninnerpaamut ingerlanneqarsinnaaneri, kukkunerit aamma amigaateqarnerit inerteqquteqarnermut pissutaasut aaqqinneqarnissaat siunertaralugu.

Pisut ilaanni kukkuneqarnerit aamma amigaateqarnerit paasineqartut imatut ajortigisinnaapput, inerteqquteqarnermut pissutaasut, assersuutigalugit bremsit ajormata, aquutit ajormata aamma assakaasut ikkusimaneri qasunganeqarmata, misissuisartut nalileraat, qamutit imaluunniit qamutit kalittakkat iluarsaassisarfirmut qaninnerpaamut ingerlanneqarnissaat illersorneqarsinnaanngitsoq, isumannaatsumik angallannissaq eqqarsaatigalugu. Pisuni taamaattuni inerteqquteqarnerup

MISSINGIUT

kingunerissavaa, iluarsaassinerup sumiiffigisami ingerlanneqarnissaa, imaluunniit qamutit imaluunniit qamutit kalittakkat iluarsaassisarfirmut kalinneqarnissaat.

Færdselestyrelsenip ingerlatsinissamut inerteqquteqartitsinertik pillugu politiit ilisimatissavaat.

Siunnersuutigineqartoq § 6 a, imm. 4 malillugu inerteqquteqarnermik eqquutsitsinnginnermut, angallannermi inatsimmi § 56, imm. 1 atuutissaaq, tassami aquttup inatsit naapertorlugu inerteqquteqarneq malinngimmagu. Inerteqquteqarnermik taamaattumik politiit atuutsitsisuussapput.

Ingerlatsinissamut inerteqquteqarneq atuutissaaq, kukkunerit aamma amigaateqarnerit paasineqartut, inerteqquteqarnermut pissutaasut, aqqinneqarnissaasa tungaannut. Tamatuma isumannaarneqarnissaanut piginnittoq imaluunniit aquttoq akisussaasuupput. Aaqquissuussinikkut siunnersuutigineqartukku siunertaanngilaq, qamutit nutaamik misissorneqaqqaassasut, ingerlatsinissamut inerteqquteqarnerup atorunnaarsinneqarsinnaanissaanut. Tamatumunnga tunngaviupput aaqquissuussinerup eqaatsuunissaa aammalu eqaatsumik ingerlatsinissap isumannaarneqarnissaa, piffissaq ingerlasinnaammat Færdselestyrelsenip tulliani illoqarfimmut tikinnissaata tungaanut.

imm. 5-imi siunnersuutigineqarpoq, imm. 1-3 malillugit misissuineq pillugu aamma imm. 1 malillugu Færdselestyrelsenip qamutiniq motoorilinnik imaluunniit qamutiniq kalittakkanik unitsitsinnaanera, innersuussisinnaanera aamma ingerlatsisinnaanera pillugit transportministeri malittarisassanik erseqqinnerusunik aalajangersaasinnaanera, tassunga ilaatillugit Færdselestyrelsenip qamutaanik aamma misissuiffiiniq ilusilersuineq aamma nalunaaqutsiineq.

Færdselestyrelsenip aaqquissuussineq aquttussaammagu, siunnersuutigineqartoq imm. 5 malillugu piginnaatitsineq Færdselestyrelsenimut tunniunneqassaaq, tak. § 72, imm. 1.

Siunertaavoq, Færdselestyrelseni nalunaarummik pilersitsissasoq, § 6 a, imm. 1-3 malillugit misissuinerup qanoq naammassineqarnissaanut malittarisassanik erseqqinnerusunik aalajangersaasussamik.

Naatsorsuutigineqarpoq, imm. 1-3 malillugit misissuinerup kingorna akuersissuteqarnermi, Færdselestyrelsenip qamutitut akuerisaanerup meqqianik ikkussisarnissaa pillugu malittarisassanik aalajangersaanissaa. Aammattaaq naatsorsuutigineqarpoq, akuerisaanerup meqqiani allaqqassasoq, qanga qamutit akuerisaasimanerat.

Aaqquissuussinerup isumannaassavaa, Færdselestyrelsenip misissuisartuisa sunniuteqarluartumik aamma sukkasuumik paasisinnaassagaat, qamutit sorliit akuerisaasimanersut, tassunga ilaatillugit misissuineq qanga pisimanersaq, aamma sorliit misissorneqarsimannginnersut.

MISSINGIUT

Tamatuma saniatigut, politiit najuutsinnagit qamutit aqquuserngup sinaani misissorneqarnissaannut innersuussinissamut aamma ingerlatsinissamut Færdselsstyrelsenip piginnaatitsissummik qanoq atuutsitsinissaa pillugu malittarisassanik aalajangersaasoqassaaq.

Tamatuma saniatigut inatsisissatut siunnersuummi § 1, nr. 3-mut, aammalu siunnersuutigineqartumi § 6 a, imm. 1-imut oqaaseqaatit innersuussutigineqarput.

Siunertaavog, siunnersuutigineqartut § 6 a, imm. 2 aamma 3, oqaaseqatigiit 2.-at, malillugit Færdselsstyrelsenip qanoq kingornatigut misissueqqinneq pillugu nalunaaruteqartarnissaa pillugu malittarisassanik aalajangersaanissaaq.

Naatsorsuutigineqarpoq, tamanna pisassasog nalinginnaasuusussamik allakkatigut nalunaaruteqartarnikkut, misissuinerup piffissaanik aamma sumiiffianik nassuiaanermik ilaqartumik.

Aammattaaq siunertarineqarpoq, misissuinerup uppersarsaataa, Færdselsstyrelsenip misissuiffissat erseqqissumik nalunaaqutsersornissaannut periarfissaa kiisalu misissuisartup misissuiffimmi aamma misissuiffissap tungaanut ingerlanermi piginnaatitsissummik atuutsitsinera pillugu aalajangersakkat pillugit malittarisassat erseqqinnerusut nalunaarutip aalajangersaavigissagai.

Aalajangersakkatigut ilaatigut siunertarineqarpoq angallattut eqeersimaarnerunissaat, kiisalu misissuisartut aqquuserngup sinaani sulitillutik isumannaannerunissaat.

Siunertaavog, nalunaarut aalajangersakkanik imaqassasog, aqquuserngup sinaani misissuinermut atatillugu qullernik aappaluttunik arajutsisassaanngitsunik aamma refleksinik atuinissamut Færdselsstyrelsenimut periarfissiisunik. Tamatumani siunertaavog aqquuserngup sinaani misissuineq pillugu angallattut eqeersimaarnerunissaat, aammalu taamaaqataanik misissuisartut sulinermik ingerlatsinerini isumannaassusaasa qulakkeerneqarnissaat. Qullit aappaluttut arajutsisassaanngitsut aamma refleksit Færdselsstyrelsenip qamutaasa aamma sumiiffiit misissuiffiisa erseqqinnerunissaannut tapertaassapput, sualummik silarlutsillugu imaluunniit sila taartillugu.

Aammattaaq siunertaavog, aqquuserngup sinaani misissuiffissatut piukkunnaateqartut nalunaaqutsersorneqarsinnaanerit, soorlu allagartanik aamma qummukujuunik nalunaaqutsiisunik, nalunaaqutsersorneqarsinnaaneri pillugit nalunaarut aalajangersakkamik imaqassasog. Nalunaaqutsersuineq sumiiffimmi pissutsinut aamma pisariaqartitanut naleqqussagaassaaq, sumiiffiit misissuiffiusut eqqaani angallannerup erseqqissumik aamma isumannaatsumik ingerlanneqarnissaa isumannaarniarlugu.

Taamaaqataanik aamma siunertaavog, aqquuserngup sinaani misissuinermut atatillugu misissuisartut allagartanik unitsitsissutinik aamma LED-allagartanik atuisinnaaneri pillugit aalajangersakkamik nalunaarut

MISSINGIUT

imaqassasoq. Atortorissaarutit tamakkua angallattut aqutissaannut tikkuunnissaannut atorneqassapput aammalu isumannaarissallutik qamutit isumannaatsumik aammalu naapertuuttumik uninnissaannut, misissuinissamut innersuunneqaraangamik.

Færdselsstyrelseni nakkutiginninnermi oqartussaqaarfittut sulianut teknikkikkut ilisimasaqarmat, naatsorsuutigineqarpoq oqartussaqaarfiup aalajangiineri pillugit maalaaruteqarsinnaanermut periarfissaq, siunnersuutigineqartoq § 6 a, imm. 5 malillugu, nalunaarut pilersinneqartoq malillugu, § 72, imm. 2 malillugu atorunnaassasoq.

Taamaattoq Færdselsstyrelseni ingerlatsinermut oqartussaqaarfittut suli pisussaaffinnut nalinginnaasunut ilaatinneqassaaq nammineq aalajangikkani suliassanngorteqqissinnaallugit aammalu allanngorteqqissinnaallugit, tamakkununga tunngavissaqartoqartillugu.

Aamma inatsisissatut siunnersuummi immikkoortoq 2.1.2-mut oqaaseqaatit innersuussutigineqarput.

§ 2-mut

Siunnersuutigineqarpoq, inatsit atuutilissasoq ulloq [1. januar 2027].

Inatsisissatut siunnersuutip inatsimmut atuuttumut sanilliunnera

<i>Oqaasertaliussat atuuttut</i>	<i>Inatsisissatut siunnersuut</i>
	§ 1 ... pillugu inatsimmi ..., tak. inatsimmut nalunaarut nr. ..., allanngortinneqartoq inatsisikkut nr. ..., tulluuttut allanngortinneqassapput:
§ X. ...	1. § X imatut allanneqassaaq: »§ X.... «.
	§ 2 ... pillugu inatsimmi ..., tak. inatsimmut nalunaarut nr. ..., ilaatigut inatsisikkut nr. , ...-kkut allanngortinneqartoq, aamma kingullermik allanngortinneqartoq inatsisikkut nr. , ...-kkut, tulluuttut allanngortinneqassapput:
§ X. ...	
§ 50. ---	
<i>Imm. 2. ---</i>	

MISSINGIUT

Imm. 3. § 7 malillugu tapiissutit suliffeqarfinnut nalunaarutigineqarsimasunut tunniunneqassapput.	1. § 50, imm. 3, imatut allanneqassaaq: »§ 7 malillugu tapiissutit suliffeqarfinnut nalunaarutigineqarsimasunut tunniunneqassapput.«
Imm. 4-9.---	
	§ 3 ... pillugu inatsimmi ..., tak. inatsimmut nalunaarut nr. ..., ilaatigut inatsisikkut nr. , ...-kkut allanngortinneqartoq, aamma kingullermik allanngortinneqartoq inatsisikkut nr. , ...-kkut, tulliuttut allanngortinneqassapput:
§ X. ...	1. ...